

Staatâräädi asättâs

sämmilii šonġadâhräädist

Staatâräädi miärdâs miäldâsâvt asättuvvoo šonġadâhlaavâ (423/2022) 21 § vuáduhd:

1 §

Pargoh

Šonġadâhlaavâ (423/2022) 21 § 2 momentist uáivildum sämmilii šonġadâhräädi tiätuvuádu pyevtitmân kyeskee eres pargoh láá:

- 1) ciálkkámušâi adelem meid šonġadâhpolitiikân kyeskee eres vâldikodálijn vuávámijn ko šonġadâhlaavâ 9—12 §:st uáivildum vuávámijn;
- 2) tiätuvuádu pyevtittem aalmuglii šonġadâhpolitiik vaikkuttâsâi árvuštállâm já čuávum várâs sâmikulttuur já sämmilij vuoigâdovuodâi uáinust;
- 3) ciálkkámušâi adelem sämmilij päikkikuávlun kyeskee páihálijn já kuávlulijn šonġadâhvuávámijn tâi šonġadâhtoimâin;
- 4) taggaar eres ko 1—3 saajeest uáivildum tiätuvuádu pyevtittem, mii tuárju sâmikulttuur šonġadâhnuvástus hittoodmist tâi šonġadâhnuvástusân vuáhâduumeest.

2 §

Čuákânpiejâm

Sämmilii šonġadâhräädist lii saavâjodetteijee, vârisaavâjodetteijee sehe enâmustâá love eres jesânid. Ucemustâá peeli šonġadâhräädi jesânijn kalgeh lede sämmilii ärbivuáválii tiädu haldâšeijeeh. Šonġadâhräädi eres jesâneh kalgeh ovdâstid pirâstiettuud tâi eres šonġadâhräädi pargoi tááhust merhâšittee tiedâsuorgijd.

Saavâjodetteijee kalga ovdâstid tiedâsuorgijd. Vârisaavâjodetteijee kalga lede sämmilii ärbivuáválii tiädu haldâšeijee.

Šonġadâhräädist kalgeh lede sämmilii ärbivuáválii tiädu haldâšeijeeh sämmilij päikkikuávlun jieškodde-uv kuávlun já máhdulâšvuodâi miel jieškodde-uv sâmikielâjuávuin.

3 §

Asâtem já toimâpaje

Staatâräädi aasât sämmilii šonġadâhräädi saavâjodetteijee já eres jesânijd neelji ihân häävild pirâsministeriö iävtuttâsâst. Pirâsministeriö pivdá iävtuttâsâid tiedâsuorgijd ovdâsteijee jesânin ollâopâttuvâin, staatâ tutkâmlâjâdâsâin, šonġadâhräädi pargoi tááhust merhâšittee áammát-ollâškoovlâin já Suomâ šonġadâhpanelist.

Sâmitigge valmâštâl iävtuttâs šonġadâhräädi čuákâpiejâmin sämmilii ärbivuáválii tiädu haldâšeijee uásild. Pirâsministeriö já sâmitigge rádádâleh iävtuttâsâst. Rádádâlmijn nuávditteh, mii sâmitiggeest adelum laavâ (974/1995) 9 §:st asättuvvoo.

4 §

Toimâ

Sämmilâš šonjâdâhräädî väljee juávhustis värisaavâjodetteijee. Šonjâdâhräädî lii meri-demvâldâlâš, ko miärâdâstohâmân uásálisteh saavâjodetteijee tâi värisaavâjodetteijee lasseen ucemustáá peeli šonjâdâhräädî eres jesânijn.

Šonjâdâhräädî ciälkkámušah adeluvvojeh suomâkielân já sâmikieláid.

5 §

Jeessân toimâpaje

Sämmilii šonjâdâhräädî jesânin puáhtá toimâđ enâmustáá kyehti toimâpaje mañaluvâi.

6 §

Pälkkimáávsuh

Sämmilii šonjâdâhräädî jesânân máksoo ihepälkkimáksu. Saavâjodetteijee pälkkimáksu lii 5 000 eurod, värisaavâjodetteijee 3 000 eurod já jeessân 1 500 eurod.

7 §

Vuáimánpuáttim

Taat asáttâš puátá vuáimán 1 peeivi cuáñuimáánu 2023.

Helsingist 9.3.2023

Olgominister Pekka Haavisto

Haldáttâsčällee Karin Cederlöf